



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 3. Quid quoad hoc de Moribundo?

urn:nbn:de:hbz:466:1-37144

satisfaciendi aliis obligationibus. Officiū ergo Confessarii exigit, ut quantum cum divina gratia potest, allaboret, ne hæc in absolvendo defint, nec ipse per suam culpam Sacramentum administret indigno.

§. I.

Absolvendus quis?

93. Sacramenti Pœnitentiae capax est omnis & solus ille homo viator, qui baptizatus, & alicujus peccati actualis in, vel post baptismum commissi reus est, vel fuit. Cum ergo Beatissima Virgo, sicut ab originali, ita etiam ab omni actuali peccato fuerit semper immunis, pateret. Eam nunquam potuisse confiteri, adeo que fabulosum esse, quod de S. Petro, vel de S. Joanne tanquam ejus Confessariis circumfertur. Qui autem hujus Sacramenti capax est, non recipit illud validè, nisi sit legitimo modo dispositus; de quo in seqq.

§. II.

De presentia quoad confessionem.

94. Itaque I. debet pœnitens esse præsens Sacerdoti, cùm ei confiteretur, ut & cùm ab eodem absolvitur. Nam Clemens VIII. in sua Constitutione 1602. 19. Julii edita, ut refert Tan. Disp. 6. q. 9. n. 5. hanc propositionem: *licere per litteras seu internuntium Confessario absenti sacramentaliter confiteri, & ab eodem absente absolutionem obtainere: damnavit ad minus uti falsam, temerariam & scandalosam, prohibuitque sub excommunicatione ipso facto incurrenda, & Pontifici reservata, ne publicè vel privatim doceatur, néve unquam ut in aliquo casu probabilis defendatur, aut ad praxin quovis modo dederetur.* Debet autem hæc Clementina ita intelligi, ut in ea censeatur, ne publicè vel privatim doceatur, néve unquam ut in aliquo casu probabilis defendatur, aut ad praxin quovis modo dederetur.

R. P. Stoß Trib. Pœnit. Lib. II.

tur damnata & prohibita confessio & absolutionis absentia facta, loquendo de illis non solum collectim, sed etiam divisim, ut declaravit Paulus V. 1605. 14. Julii apud Dic. de pœnit. Disp. 9. n. 804. & adhuc vivo Clemente officium S. Inquisitionis improbarit contrariam cuiusdam Theologi interpretationem apud eundem I.c. n. 837. qui ibid. 803. recte colligit, Pontificem, cùm in suo Decreto dixit, *non licere inullo casu confiteri absenti, vel absentem absolvere, hoc ipso satis supérque indicasse, quod neque valeat ita confiteri, aut absolvere.* Nam si valeret, tunc saltem in casu extremæ necessitatis adhuc liceret; quia leges humanæ in tali necessitate communiter non obligant, ergo id, quod per se est validum, non potest per eas tunc prohiberi, reddique illicitum. Sed neque credibile est, quod Christus voluerit aliquid salutis medium homini non esse licitum, quando extremèo indigeret, eoque validè uti potest. Sensus ergo Decreti Clementini est, quod confessio absentia facta non sit valida; & quamvis deinde absolutionis detur præsenti, tamen non sufficiat ad valorem Sacramenti; item quod absolutione quoque data absentia sit invalida, irritumque Sacramentum, quamvis confessio facta fuerit à præsente. Dicast. de pœnit. Disp. 5. n. 89. Fundamentalis autem ratio utriusque nullitatis est, quod hæc fuerit mens & voluntas Christi, Sacramentum Pœnitentiae instituentis, uti constat ex communi sensu Ecclesiæ, & allatis Pontificum Decretis.

§. III.

Quid quoad hoc de Moribundo?

95. Nihilominus tamen si moribundus Confessarium vocari petat, vel alia signa Pœnitentiae edat, & unus (sive jam ipse

G

ipse

ipse per se viderit & audiverit, sive ab aliis tantum intellexerit; & vel vir, vel famina, vel puer, fidelis vel infidelis fuerit) hoc Sacerdoti absenti referat, potest deinde Sacerdos ad ægrum accedens illum præsentem adhuc absolvere, quamvis reffrens non redeat cum illo ad ægrum, & æger jam tum sit omnibus sensibus destitutus, vide *sup. l.1. p.3. n.57.* Multi quidem etiam ex præstantissimis Theologis judicarunt hoc esse exprestè contra suprà memoratum Decretum Clementinum, adeoque illicitum & invalidum, quia in ejusmodi casu confessio est tantum illa petitio seu vocatio Confessarii, vel alia signa Pœnitentia; atqui haec sunt facta abente Sacerdote, eique abenti per internuntium indicata, ergo & confessio. Sed Archiepiscopus Armacanus litteris ad P. Aegid. Coninch. An. 1624. 6. Junii datis, & à Dicast. cit. *Dif. 9. n.837.* relatis testatur, quod ipse Pontifex Clemens VIII. hac super re interrogatus illi responderit, sibi non fuisse propositum, damnare aut prohibere, quod in allato casu absoluto Sacramentalis impendatur. Unde in Rituale Rom. quod post Clementem operâ aliquorum Cardinalium & eruditorum virtutam consilio confectum, & autoritate Apostolica Pauli V. editum fuit, hac de moribundo sensibus destituto verba inserita fuerunt: *etiam si desiderium confitendi per se vel per alios (non additur præfentes) ostenderit, absolvendus est.* Sed & Suarez cùm ex urbe Romana ubi diu hac de re discepavit, rediit, in litteris 1610. 9. Oct. Conimbrica datis, & à Tann. cit. 9. 9. n.16. relatis: *miki, inquit, certò confessat, non fuisse hanc mentem Pontificis, nimis prohbendi, ne in proposito casu moribundus sacramentaliter absolvatur.*

Unde autem Suarezio id tam certò constabat: *tum ex ore, inquit, utrinque Pontificis (Clementis scilicet & Pauli) tum ex sententia multorum Cardinalium; tum quia etiam hoc nunquam fuit revocatum in dubium.*

96. Solum ergo supereft ostendere, quomodo nihilominus verba Decreti Clementini adhuc salva maneant. Aliqui autem volunt, confessionem moribundi in prædicto casu fieri aliquo modo adhuc præsente Confessario: quia signum Pœnitentia cum expressa vel virtuali intentione de habendo præsente Confessario datum à moribundo, sicut antè in Confessario absente causavit, notitiam de ægroti pœnitentia, ita etiam in Sacerdote jam præsente adhuc causat eandem; ergo signum illud ten confessio, quæ hic in talis gno confitit, fuit antè confessio absens, & jam, cùm adest Confessarius, incipit esse, & est confessio præsentis. Et hoc videtur longo suo discursu velle Dicast. l.c. n.843. Expeditor via est, & menti Pontificum conformior, si dicatur, in Decreto Clementino per confessionem intelligi tantum eam, quæ est ordinaria, hoc est, quæ fit modo ordinario, parte & primari intento à Christo in institutione Sacra menti Pœnitentia, cùm nimicùm aliquis, quantum est ex sua parte, omnia peccata mortalia, quorum sibi conscient est, potest & communiter debet exprimere. De hac enim confessione certum est, quod in nullo casu ne quidem in articulo mortis possit licet aut validè per litteras vel per internum fieri absenti Sacerdoti. De alia autem confessione, quæ est tantum extraordinaria, & juxta institutionem Christi non per se, sed per accidentis tantum est sufficiens ad valorem Sacramenti (cùm nimicùm

mirum aliquis in casu necessitatis vel nul-
lum potest peccatum in specie exprimere,
vel tantum paucula ex iis, quorum sibi
conscius est; de hac inquam extraordinaria
confessione verba Decreti nullo modo in-
telliguntur, neque mens Pontificis fuit, ut
de ea intelligantur, ut constat ex dictis. Et
ferè hoc ipsum quoad rem vult Card. Lu-
go, et si Dicast. l.c. à n. 820. modum ejus
loquendi de confessione strictè & minus
strictè judiciali multis impugnet. Ista au-
tem ideo referre hīc volui, ne quis terreat
Decreto Clementino, quod illi, qui
moribundos in memorato casu vel alii
negant esse absolvendos, obiectare solent.

97. Quidquid autem de his sit, securi-
simè & salvo Decreto Clementino aliisque
principiis Theologicis inviolatis procede-
re possunt Confessarii, si ex Petro Mar-
chantio, propriâ experientiâ docto, in Trib.
Sacram. tom. 1. tr. 4. tit. 4. dub. 7. apud Dian.
p. 9. rr. 6. Ref. 20. obseruent seqq. 1. mori-
bundum s̄pē esse destitutum. motu ulū-
que externorum membrorum & capitis,
non tamen etiam usu sensum saltēm
omnium, sed amissis aliis retinere saltē au-
ditum. 2. destitutū omnibus sensibus non
esse semper etiam statim destitutum usu
rationis. 3. moribundum, sicut quemvis a-
lium constitutum in extrema necessitate, si
non possit dare signa, quæ ab ipso alii exi-
gunt, vel quibusclarē certō & indubitate
significare videatur, se dolere de peccatis,
se petere auxilium &c. dare saltē ea signa,
quæ ipse tunc potest dare; adeoque in
nostro casu suspitia, gemitus, fixos oculo-
rum intuitus, & quemvis corporis mo-
tum posse pro probabili vel saltē pro du-
bio signo Pœnitentiæ, adeoque pro sensi-
bili Confessione haberi, ut etiam recte

docet Tamb. de confess. l. 2. cap. 10. §. 1. n. 16.
Nam ad hāc ita recte subsumitur; atqui
omnis ille, non tantum Catholicus, sed
etiam quivis alius, de quo rationabiliter
præsumi potest, quod sit baptizatus, & cre-
dat vitam æternam, atque absolutionem
sacramentalē esse sibi peccatori necessa-
riam ad eam, si det probabile signum Pœ-
nitentiæ, potest absolutē absolvī; & si det
signum tantum dubium, potest sub condi-
tione, si capax erit, absolvī; ergo cum omnis
moribundus ex iis, quos modò in minore
nominavi, quādū caret Sacramento
Pœnitentiæ sibi necessario, videatur per a-
ctus illos, quos adhuc potest exercere, &
exercent, illud petere, sīcque præsenti Con-
fessario, si non certum, saltēm probabile,
vel dubium signum Pœnitentiæ dare, ut
dictum est, potest Confessarius omnem
talem moribundum vel absolutē, vel saltē
sub conditione absolvere. Et quia
potest absolvere, omnino etiam sub gravi
peccato (contra charitatem; vel si pro-
prius Parochus sit, etiam contra justitiam)
tenerur urgente mortis periculo absolvere
juxta communem apud Palao de pœnit.
Diff. un. p. 11. n. 11. Dian. p. 3. tr. 3. Ref. 9. ubi
Valq. Confessarios, qui tales moribundos
non absolvunt, meritò vocat reos & ne-
catores animarum. Illi autem econtra, qui
absolvunt eosdem, prorsus malè à nonnullis
apud Dian. l.c. Ref. 8. dicuntur rudiores
Sacerdotes, aut errare, aut indiscretè, igno-
ranter, aut absque fundamento etiam appa-
rente procedere. Certe Tamb. celebris & in
praxi præclarè versatus Doctor l.c. n. 12.
ait, regulariter sine absolutione se neque il-
lum dimissurum, qui dum actu peccat, re-
pentē incidit in articulum mortis, omnibus
sensibus constitutus; quia putat rarissimè
fieri,

fieri, ut tali non suppetat etiam adhuc tempus eliciendi attritionem, eamque ex-
tero aliquo signo indicandi. vide *sup. l. 1.*
p. 3. n. 58.

98. Ex quibus jam 1. patet, et si, spe-
culativè seu præcise loquendo, probabile
sit, moribundum, si nullum dat, nec antè,
quam sensibus sit destitutus, signum Pœ-
nitentiae clarum dedit, non posse absolvī;
practicè tamen propter superveniens &
urgens præceptum Charitatis vel Justitiae
non esse probabile. 2. patet, Sacra-
mentum Pœnitentiae hīc non administrari sine
materia sua proxima, hoc est sine confes-
sione sensibili, quia moribundus verè ali-
quod externum Pœnitentiae signum sal-
tem dubium exhibet; & quia exhibet co-
ram ipso Sacerdote præsente, etiam non
sit confessio absentia; adeoque Decretum
Clementinum si de moribundis quoque
intelligendum esset, ut aliqui *sup. n. 95.*
voluerunt, maneret adhuc inviolatum.
Sed 3. semper mihi vīsum est, Doctores
hīc extremè sibi oppositos posse inter se
haud difficulter conciliari. Ad hanc enim
Quæstionem: *an moribundus sensibus de-
stitutus possit absolvī, et si nullum det, vel
nullum antè dederit Pœnitentie signum?*
Illi DD. qui affirmant, videntur per verba:
nullum signum: velle tantum excludere
omnia illa signa, qualia communiter exi-
guntur & dantur à moribundis, expedi-
tum adhuc mentis & corporis sui usum
habentibus, quæque sunt clara, certa,
atque indubitate; non item simul etiam
omnia alia probabilia aut dubia. Illi au-
tem DD. qui negant, videntur eadem
verba accipere universalissimè, ita ut per
ea excludantur non tantum omnia com-
munia seu ordinaria & certa signa, sed

præter illa simul etiam omnia alia extra-
ordinaria, probabilia, & dubia: in quo
quidem sensu rectissimè negant, quia hac
ratione Sacramentum Pœnitentiae carerer
materiā suā proximā, seu confessione sen-
sibili; sed in hoc nihil dicunt, quod sit
contra priorum DD. sententiam, &
nostram.

§. I V.

*Quid de confiteente per litteras
vel internuntium?*

99. Qui per litteras ad Confessarium
missas sua peccata proponit legenda, vel
ei per internuntium curat indicati, sed
postea ipse coram præsente Confessario
petit ab iis, quæ per litteras vel internun-
tium antè indicavit, absolvī; vel dicit v.g.
accuso me de omnibus ante indicatis &c. ni-
hil agit contra Decretum Clementinum,
sed validè confitetur, quia hoc modo rati-
ficat & renovat coram præsente Sacerdote
suam confessionem, quam antea per lit-
teras vel internuntium fecerat absentia,
ergo hoc ipso tunc jam confitetur præ-
senti. Bonac. *Disp. 5. q. 4. p. 5. n. 2.* An
autem, & ex qua causa licitum sit, ut pœ-
nitens non oretenus sua peccata profes-
rat, sed in scripto det Confessario legen-
da, vide *sup. l. 1. p. 3. n. 82. & 83.* Qui
confiteri vult per interpretem, non te-
netur sua peccata illi dicere præsente Con-
fessario. Dicast. *cit. Disp. 9. n. 810.* con-
tra Lugo; deinde tamen (loquendo extra
casum necessitatis) debet esse præsens,
cum interpres ea Confessario refert; vel
certè deber ea, quæ interpres in ejus ab-
sencia dixit, ipse postea coram Confessio-
rio ratificare & renovare. An vero &
quando teneatur aliquis confiteri per in-

ter-